

ginem habent. *Magnas* vel ad brachii crassitudinem capi audio in aqua mortua (ut appellant) Galliae Narbonensis. In Italia ad viginti libras aliquando accrescunt; sed quae superant, nunquam inventae sunt.

*Locum*, si spectes Marinarum quoque Diphilus et Epicharmus apud Athenaeum meminere, non quod ibi nascantur, cum paucae et nondum adultae nunquam, magnae et adultae raro ibi reperiantur; sed quod, ut Plinius, Aristoteles et Oppianus firman, maria ex fluminibus fubeant. In nullo amnium qui Danubium influunt, reperiri; in omnibus, qui Rhenum, licet ex uno aliquando cum illis fonte scaturiant, Naucerus et Albertus prodidere. Frigiditas Danubii forte in causa, cujus aquae ante fauces Alpium ab Occidente in Orientem fluunt; major pars ex Alpibus descendit, et a parte Aquilonari, ante Alpes delabitur. Copaidum, quae ἀπύρηνος, σπυρίδας, Polux et Aristophanes commendant. Prodigiosae eadem interdum magnitudinis a Baeotiis hostiarum more coronabantur, aspersaque mola, cum precibus Diis immolabantur. Regiae, quas Lethus circa Berenicem fluvius sibi vendicat, sesquialterae ad illas, quae ex Macedonia et Copaide lacu habentur. Suus iis et qui in freto Rhegii, et in Maeandro fluvio capiuntur honos. Strymoniae quoque, Elori amnis, et qui ad Euclea fluvium, in pretio fuere. Pars Britanniae Anguillarum terra a copia, quamvis ibi non degant, dicitur. Ad aquas mortuas brachii crassitudinem aequant. In stagno Monspeliensi Latera dicto, trium vel quatuor cubitorum sunt longitudo. Ex Tarni fluvio, qui non solum auget, sed efficit Garumnam, qua parte in eum erumpit, tanta copia defertur, ut una die xviii. in nassis inventa sint. In Mintio amne quandoque mille glomeratae capiuntur, ut apud Cardanum extat. Male ergo ἐν ταῖς διαμενεύουσιν λίμναις, in stagnis proma-

nantibus, ut Scaliger vertit, reperiri negat Aristoteles.

De ortu dissentiunt Authores. *Plin. H. N. l. 9. c. 61.* Plinius, Anguillas atterere se scopulis, ea strigmenta viviscere, nec aliam earum esse procreationem scribit. *Arist. H. A. l. 6. c. 15. edit. Scalig.* Secundum Aristotelem, in dissecis neutrum sexum, nec vel ova vel semen deprehendas; in temporibus siccis, sed post imbres, idque ex iis, quae vocantur γῆς ἐντέρεα terrae intestina: quae fiunt in coeno et putredine; maritimis quidem locis, quae algam producant; in stagnis vero et fluviis prope ripas, quia tepor sive calor istic putredinem gignit. *Athen. Diphilos. l. 7.* Plinio Athenaeus et Oppianus ex veteribus, ex recentioribus Rondeletius adstipulantur. Illi complexas coire, et strigmentitium, quid emittere, ex quo cum in limo fuerit, ἐν τῷ βορέειῳ καὶ τῇ ἡλυσί γενομένης σήψεως, animal generetur, prodiderunt. Hic inferiore ventris parte vulvam in foeminis, semen in maribus esse, multa pinguedine perfusas non apparere, corporum complexu coeuntes a se visas scribit. Utroque id fieri posse modo credo. Nam et Berniciae in Scotico Oceano ex verme nascuntur, post ova excludunt. Eadem et Rondeletii sententia. Addit enim, cum equus mortuus in stagnum Megaloniae injectus fuisset, innumerabiles paulo post ibidem visas Anguillas. *Nu- Aristot. H. A. l. 8. c. 2.* trimentum ipsarum sunt, radices herbae et cuncta quae in limo offendunt, visae, ranis, vermibus et piscium partibus vesci. Paxamus hirudines, Homerus cadavera, quidam se ipsas invicem, Plinius edulia si quae apponuntur, devorare, testantur. Purissimam tamen aquam impensius amant, ideo in quadam Britanniae parte, ut Albertus ex Beda refert, in ortu Cosmico Plejadum hoc est xvii. Calendar. Junii, quod tunc propter ventos, qui initio veris e terra erumpant oppositos aqua nunquam luto turbetur, ingens ipsorum copia; et a turbida abhorrent adeo, ut Athenaeo teste, cum ventis turbatur suffocari, et qui-